

袁海叟集序



魏古詩承漢之盛黃初為



祖唐近體變隋之衰貞觀

為宗

明詩於勝國在鼎革之初去故

取新若吳中高徐楊張四家

其著者矣而雲間有袁海
叟名凱者彼為集非四傑
之下也叟曾為柱下史隱
而著書其道猶龍自陸吉
士溪獨嘉與叟同時而迄
代李北海地何信陽兩先生

喜誦叟集咸序而嘆之然
白燕之詩殊工形似而謂

景不最傳不然也叟所精
者五七言古最上棄諸律
絕猶不失中駟夫其正對
君臣父子之際明創義守

仁誼不曲阿故詩之骨勁
塵視軒冕釋惠文之冠笈
製荷衣而逸海岬故詩之
志清詵已蹈海以去而累
無牢愁悵悵之態彈琴寫
風夷猶自得故詩之氣和

斯乃文以人傳非人以文
重也雲間作者代興此其
嚆矢矣柯守張叔翹君道
深風雅尤尚友其鄉之哲
人默為伯臣氏刻樂府原
而謂六藝詩與樂一也乃

復為叟併刻是集今觀其
詩本忠貞以披文而未昏
於巧煌煌字如旭日升朝
而顯氣之發春也邈二百
四十餘年而其人與文已
不近矣亦何必遠追魏唐

之風乎以是知雲閣多賢
而文章氣運之有初也

萬曆己酉十月朔日漳南
鄭懷魁書于衢玉潤軒



重刻袁海叟集引

袁海叟以詩名勝國吾郡

稱詩者蓋淵源于叟又其

人磊落多奇蕭然風塵之

外當應辟命一出為御史

即以病免歸如神龍不可

羈御實異人也然叟以時
政孔棘務自韜晦故其名
不甚著而詩亦稍之散逸
陸文裕公始購得寫本刻
之京師其後拓林何氏復
得祥澤舊刻以活字板印

行焉願傳布猶未廣也余
守衢偶携二刻退食之暇
恒自披覽陸本頗多殘闕
何本稍完而字畫不甚整
暢中亦間有異同者輒手
為校定更授剞劂管何事

二公意不可一世人至論
詩獨稱叟為國初諸家之
冠是惡可令泯之不得與
吳中四傑並傳哉刻成因
題其端以紀歲月云爾
萬曆己酉霜月五日郡人

張所聖題於衢之吾蕪亭



海叟集序

北郡李夢陽撰

海叟集雲間袁凱氏所著海叟其自號也會稽楊廉夫嘗作白燕詩及覽叟作驚嘆以為不及叟師法子美雖時有出入而氣格韻致不在楊下其耿耿於叟者要非一日矣按集中燕詩最下最傳諸高者顧不傳雲間故吳地叟亦不與四傑列皆不可曉者夫毀譽可盡信哉 洪武間叟為御史 上將戮一人 太子固諫而止

上以問叟對曰 陛下創業之義 東朝守
成之仁 上意遂解未幾以病免歸翰林陸吉
士子淵叟同郡人間道前事令人侃侃生氣夫
斯亦足以傳矣而况於詩乎叟名行既晦集亦
罕存子淵購得刺本於京師士人家楮墨焦爛
蠹溼者殆半乃剛定為今集仍舊名者著叟志
也夫韓退之唐之聞人也其文至宋歐陽公始
暴於世然則如叟者尚奚尤哉仲默謂國初詩
人叟為冠故子淵表揚甚力君子以為知言

正德元年秋八月八日

素海叟集序

信陽何景明撰

景明仕宦時嘗與學士大夫論詩謂三代前不可一日無詩故其治美而不可尚三代以後言治者弗及詩無異其靡有治也然詩不傳其原有二稱學為理者比之曲藝小道而不屑為遂亡其辭其為之者率牽于時好而莫知上達遂亡其意辭意併亡而斯道廢矣學之者苟非好古而篤信弗有成也譬之琴者古操人所不樂

聞又難學新聲繁豔易學人又喜之非果有自信孰不就所易學以媚人所喜者也若是將使古道復至於無聞焉而已矣景明學詩自為舉子歷宦於今十年日覺前所學者非是蓋詩雖盛稱於唐其好古者陳子昂後莫若李杜二家然二家歌行近體誠有可法而古作尚有離去者猶未盡可法之也故景明學歌行近體有取於二家旁及唐初盛唐諸人而古作必從漢魏求之雖迄今一未有得而執以自信弗敢有奪

今年罷官歸自以有餘力得肆觀古人之言又欲取我朝諸名家集讀之然弗多得其得而讀之者又皆不稱鄙意獨海叟詩為長叟歌行近體法杜甫古作不盡是要其取法亦必自漢魏以來者其所造就蓋具體而未大耳噫其所識亦希矣吾郡守孫公懋仁篤于好古其子繼芳者從予論學大有向往嘗索古書無刻本者以傳予謂古書自六經下先秦兩漢之文其刻而傳者亦足讀之矣海叟為國初詩人之冠

人悉無有知之可見好古者之難而不可以弗傳也乃以授之而并繫以鄙言觀者亦將以是求叟之意矣叟姓袁氏名凱其集陸吉士深所編定者李戶部夢陽有序其履歷可考而知也茲不復述

袁海叟詩集總目

第一卷

琴操五首

樂府十三首

四言古詩六首

第二卷

五言古詩七十二首

七言古詩十九首

第三卷

五言律詩五十三首

五言排律一首

七言律詩七十四首

第四卷

五言絕句二十八首

六言絕句九首

七言絕句一百三首

目錄終

海叟集卷之一

雲間 素 凱景文 著



張所望叔翹校定

琴操

萃野操

黍苗之芄芄兮資雨露之功終歲在畎畝兮豐
年之可望堯舜去我兮日遠而心傷夏王有道
兮吾於此而徜徉

傳巖操

日之將出兮余趨乎築之所杵丁丁而不息兮
汗淫淫之如雨日既入而始休兮飯糲糲而不
飽於乎其命兮余何辭乎此苦

陋巷操

父之生我兮斯為人類師之教我兮庶斯名之
無愧簞有食兮瓢有飲人唯我憂兮我樂滋甚

渭濱操

渭之岸盤盤兮其流湯湯我居其下兮于今幾
霜朝飲其水兮暮食其鯉與魴我日斯邁兮於

余心以何傷

負米操

路之遙遙兮實百其里以兒視之不逾尺只道
路豈不遠兮我親實餒親之餒兮兒安得止親
食飽兮兒心安兒勞悴兮親胡為歎

樂府

門有車馬客行

主人堂上坐門前車馬來車馬一何廣遠近生
塵埃好客不厭多惡客胡為乎寄言主人道結

海東集 卷之一
客何草草

江南

江南好流水中有鯉魚與鴈鳧
汝出取魚與鴈鳧養我堂上姑姑
今年老鳴聲嗚嗚聲嗚嗚良
可哀生而不能養死當何時回死
而不回嗚嗚良可哀

短歌行

昨日舊穀沒今晨新穀升壯年不閒
住衰年日憑陵日月行于天江河行
于海海水不復回日

月肯相待日月不相待自古皆死亡
死亡不能免安有却老方仙人鄭伯
僑於今在何旁爾骨苟未朽螻蟻
生肝腸獨有令名士可慰情何傷

鷄鳴

鷄鳴雙戶間行人出門闌出門一何
易入門一何難君今行遠地妾欲致
微意燕趙尚豪俠殺人為意氣齊魯
多儒生彬彬守經義臨岐不感慨自
古稱為明送子涉遠游聽我鷄鳴行

陸本末四

句作四言臨岐不惑古稱為明送子遠游聽我鷄鳴

紫騮馬

君騎紫騮馬遠上燕山去老母倚門啼淚灑門
前路泪亦何時乾馬去無回步前月附書還致
身在郎署月賜旣已多娶得尚書女身榮自可
樂母死無人顧多謝隣里人將錢治墳墓

從軍行

烽火塞上來發卒備戎虜翩翩長安兒力未勝
弓弩幸蒙車騎念出入在幕府風烟一朝息歸
來受茅土翻笑李將軍血戰自辛苦

獨漉篇

仰天天無窮俯地地無垠天地自無盡誰為百
年人百年之中人復能幾汝不成人憂我父母

雨雪

雨雪雨雪淒風如刀我行中野而無緼袍我寒
我飢誰復我知四無人聲但聞熊羆羆欲攫我
熊復奪我我身斃斃進退不可進固難矣退亦
何止還望舊鄉遠隔江海江波湯湯海波洋洋
我思我鄉死也可忘

芳樹

芳樹生後園棘生芳樹傍虫來嚙樹根終也被
棘傷棘傷虫即死樹葉自芬芳忠賢在君側四
夷敢陸梁不獨君與臣亦有弟與兄兄弟宜相
近不宜遠相忘相忘亦何難外侮不可當君看
芳樹辭辭短義則長

估客樂

大船峨峨來小船蒞江下借問是何誰云是襄
陽估襲輕貨走四方衣美錦食稻根可憐江南

農無老與小終歲力耕不得一飽

銅雀妓

流塵拂還集糝構儼然陳歌吹自朝暮君王寧
復聞松柏有時摧妾非百年人願為陵上土歲
久得相親

楊白花

楊白花飛入深宮裏宛轉房櫳間誰能復禁爾
胡為高飛渡江水江水在天涯楊花去不歸安
得楊花作楊樹種向深宮飛不去

游子吟

游子行萬里母心亦如之陸行有虎豹水行有蛟螭盜賊凌寡弱霧露乘寒飢誰云高堂安中有萬險危寄言里中子親在勿遠離

四言古詩

荒園

莽莽荒園陰陰霧霾雜以灌木帶以蒿萊麕鼠蹊蹕鴟鴞嘯哀中有一士憔悴形骸三世不顯終身無媒冠裳綻裂毛髮毳毳食無餘糝室有

浮埃朝飡井李夕蔭園枝爰有琴冊咏歌喧脰亦有流泉載沿載洄豈不辛苦聊用徘徊昊天賦命如彼之材卑不可抗高其能摧貴賤賢愚孰能遷推尼父天縱回亦竒才厄陳屢空曾無歎嗟明明聖軌烈烈高懷景行先括敢不欽哉

賦蔣氏壽萱堂

湜湜黃浦東流為莆維莆之陽季碩氏居維季碩氏夙失其怙母氏是拊是復是顧是乳是哺燥濕易處不敢咲語不敢恐懼母也勞苦旣長

海東集 卷之一
而教出就于校復因復好克荷克紹母也其孝
嗟嗟我母如彼昊天何以報之唯以永年燁燁
芳草樹之于陰翼翼高堂匪高且深維此芳草
其氣揚揚母氏覲止其憂乃忘旣忘其憂其樂
油油無有災咎維康維壽其壽維何如山如河
不磨寢食具宜水有游鯉陸有秔米烹炙
浙洗其滌膏灑酌此春醴于堂之北旦旦若是
曷其有旣我歌我詩置之于楣告爾後來季也
可儀

陶節婦詩

維費榮敏江夏啓封何以世家戶侯縣公抑抑
節婦實維其孫始由舊姻遂此新婚翁亦大族
內外百口爰覲令儀具曰賢婦其賢維何孝于
姑孀凡百之為敬恭是將夫良妻柔敬之如賓
雍雍閨門曾無間言姻親之間歲時問遺榛栗
棗脩罔敢遺墜孰司其權降此厚災昔如兩龍
相隨以飛如何中途羽翼忽乖又如黃鵠離離
喑喑一失其雄雌將疇依亦旣逝止家亦毀矣

海東集 卷之一
我寧嘆嗟如彼之白涅亦不緇如彼之堅磨亦
不虧蓬首布衣多歷年所不懈不怠有進無阻
天相厥德女既有家庶幾其門不墮以遐昔聞
共姜之死靡慙亦有孝婦終養不忒人亦有言
千載一時欲知古人視此後來山則有杞隰則
有芷溫溫淑人百福是履我歌此詩可配國風
實而不浮觀者是龔

賦耕隱

維古四民次二曰農雖及我私豈忘于公沮溺
之徒始為隱淪滔滔不歸乃索其身溫溫黃生
在彼原畛既耕既芸遂名為隱其隱維何無與
於世左饋右粥聊以卒歲人亦有言可仕則仕
苟非其時進退由已嗟嗟衆人不惟其危朝趨
夕犇終蹈禍機惟生之為彼善於斯悠悠我心
樂且無災

徐氏建華亭學詩

渠渠新學徐卿始作伊誰克完季子仲寬惟此
新學始亦甚隘爰斥爰構以就于大其大惟何
有門言言有堂軒軒有廡騫騫有階平平高墉
連連鑿地濺濺樹木芊芊允民之俊其來如雲
小心鞠躬不惰以勤惟昔玄聖訓言斯明百工
居肆匪肆不成嗟嗟爾俊亦既知止豈徒誦言
厥有微旨其旨惟何曰仁與義明仁與義不遠
甚邇爾求其方先我孝弟惟此孝弟為仁之始
始于家邦終于四海昔為大天今則梗楠昔為

賦賦今則瓊璫是蓄是儲邦家之需嗟嗟爾俊
克就茲美誰其始之徐氏父子徐氏父子可謂
曰賢我歌我詩刻于學宮以告後人以永其傳

賦許思敬真率軒

邃古之初民性質朴不侈不靡燔黍捭豚汗尊
杯飲取足而已淳風既漓日趨於卑如彼流水
食必方丈器必雕鏤蕩然無紀其或不然是有
後言爭咲迭毀洛河之南大賢是居思整其地
倡為真率以究其源以窒其委真則無偽率則

海叟集卷之一
易成亦克為禮惟許敬氏恭儉和易深用仰止
大書于家朝夕是瞻庶蹈其軌悠悠之徒既沾
既濡曾不知此草木無章發為聲詩敬贊德美

海叟集卷之一終

海叟集卷之二

雲間 素 凱景文 著

張所望叔翹校定

五言古詩

新治圃成

隙壤所自治剪荆去籠茸幸無焚穢雜况此清
泉涌灌滋竟朝夕勾萌各森聳青蒲已彌澤黃
芑方卧隴春菁向堪抱秋梨日應重自余通宦
籍職事勞紛冗祿食雖云美私心恒自恐歸來

海東集 卷之二
得蕭芻采擷聊自奉且遂丘園樂永謝承明寵

過揚州

淮海表茲郡東南誠要津近代亦雄藩親王蒞
斯民荆吳自茲入燕趙亦來臻舟車無停運孳
貨若丘壘冠蓋充鄠里歌吹咽城闈美酒旣如
澠梁肉夾道陳休養近百年富庶難具論大道
無恒處榮悴每相因風烟一披拂奄忽同埃塵
空屋嘯鴟鳩崩垣走驚麀荏苒交四野髑髏儼
若新貴賤不復知賢愚安能分予有山陽讞經

過屬秋辰憑高肆遐覽落日無行人欲繼蕪城
作薄劣愧叅軍

自揚子舍舟步入常熟縣

水行已兼旬舟楫苦馳逐晨昏侶鮫鱷出沒同
鴈鶩黑風無終竟白浪仍反覆鏗鉤絕天樞瀟
泝折地軸旋淵屢頃墜利石時抵觸淪喪固非
遠哀籲寧辭黷皇天實陰隲茲辰遂平陸神魂
息漂蕩手足散頑木徒侶紛來慶酒載及奴僕
况茲春氣和百草回新綠山樾亦多花委蛇自

海東集 卷之二
相屬粉榆已在邇曠隔無再宿從茲謝奔走且
飯東臯粟

書北山精舍壁

夙昔慕幽曠中年值奔走及茲始知返固已成
皓首茲為山水選風氣固深厚峯嶽皆巖崿綿
邈盡林藪清泉寫幽磴白雪被層阜既多緇素
流况有耕釣叟初心已云協雅言得兼受始來
疎梅墮復此山櫻剖庶幾去日遲誰謂行當久
揮手謝朋侶吾將寄衰朽

送吳立本歸吳門

九月氣已肅蟋蟀入牀下噉噉南來鴈寂歷江
上雨傷哉遠歸人斯時不遑處豈惟懷鄉里瑩
域久藜莠樵蘇無何禁奠謁曠時序長年抱憂
感噎鬱將誰語茲行遂初志况復念勤苦勾吳
不可見迢迢望烟渚

久旱雨後行園

旱虐不可沮丘園生意窮肯蓄已無遺何以御
吾冬昊天無終極玄化沛神功密雲興四郊飛

海東集 卷之二
雨菽遙空涸池旣堪蕩長溝復淙深衰茄漸回
紫高梨亦垂紅堤柳更薄陰汀花還短叢荒隴
愛登陟平林望青葱即此已愉悅固知慰疲農
愧無詩人德何由歌屢豐

辛酉大醉書東郊主人壁

人生百年中疾疫與灾危風雨愆期至歡樂能
幾時仲春二三月桃李正華滋蝴蝶滿東郊倉
庚鳴且飛招我同心人策馬試羅衣東家飲美
酒西第彈鳴絲鳴絲未及已四座賦聲詩日暮

歸來明日復如斯君看多財子計惜在毫釐
終夜不能眠握筭至晨曦一朝籍縣官雖悔何
所追

儗曹丕芙蓉池作

葱龍佳木陰蕩漾綠水池月出麗高城流光溢
前墀芳草生路傍馥郁隨風吹臨軒酌芳醴秉
翰賦新詩雖非賢主人列坐皆瑰奇而况同一
心相愛不復疑君看隨陽鳥洲渚亦相依四海
皆兄弟斯言豈為非願敦夙昔好黃髮不可違

夏景南宅擺霞

高齋夜方永明燈吐光華賓友遠來集笑語紛
以譁中苑出胞鮮盈盤疊頽饘獸鼎翻濤瀾象
箸正交加屢潰不厭頻嚼之味愈佳春醪亦時
至醉飽豈云賒我本羈旅人不復知嘆嗟何以
著斯美永言發淫哇

淮安道中

花明野館靜樹暗流鶯語行雲千里來凌亂傷
心緒傷心復何事家在江南渚日暮莫回頭脉

脉天涯雨

偕友人早出郊

離群寡遊豫得朋殊繾綣相將度春水散漫入
芳甸班荆烟乍斂摘花露猶泫林鶯坐未出沙
鳥飛還見遙山浮空翠晴雲曳輕練一聽野人
言復起滄洲願

詠池上雜花

猗那臨池沼的皪異蒿蓬丹鳳已軒舉牽牛亦
蒙茸天蓮破輕碧春羅敷淺紅浥露方卧攏因

風更依空離立各為妍纏綿復成叢乃知生物
心非藉雕琢功淋漓元氣間洪纖係其逢悠悠
念吾始默默思何窮

送縣學生顧立夫歲貢入京

霰雪殊未已山川氣方沍千里向蕭條胡為事
奔赴明廷策多士歲貢有程度海隅蒼生地慎
選恐違誤況茲生民秀聲聞見庠序居然瑚璉
器匪但才華富茲行協輿論拭目俟騫翥朋游
極追仰張設臨浦淑疎柳凝晚色幽花抱寒素

嗟余久衰邁復此動離緒悵望天際帆徘徊郭
西路

池上二首

秋池行樂去池樹色已暝露下夕衣涼月上風
簾靜飢禽墮疎竹鳴蛩出深井夜久人事息蕭
然諸念屏

振衣書齋客逍遙池上步林隈薄霧起石隙幽
泉度鷗迷夕樹返魚觸秋荷去清聲水上來欲
去更延佇

席上懷吳善卿

荒城下餘照高樹留殘雨林靜微花落梁空孤
燕語美人事征討日夕嚴虎旅接袂竟何由持
盃望烟渚

范氏溪南野色樓

水北有層構軒窓靜沉沉下視平郊迥草樹亦
蕭森莽莽區落間迢迢煙靄深幽花被高阜夕
嵐滿遙岑歸鴻共遵渚海鶴迹鳴陰我聞鷓夷
皮輕舟去江潯安知遠孫子高卧遂閒心焉能

脫吾駕從爾日登臨

題東齋壁

林廬寄幽曠墟落但煙霏澤葵依廢井秋瓜生
故籬左右皆鹿場水鳥終夜飛我來歲云久似
與世相違讀書不聞道聊復自娛嬉濁酒雖不
多酌之亦忘饑仲父雖云仁樹塞猶見非小人
固有分儉陋乃其宜原思坐鳴琴允也百世師
鄉友携酒至舍下

野老何所將春醪及園蔬遙遙適我舍相與為

歡娛上談羲皇際下逮唐與虞秦漢無足論且
復話樵漁樵漁雖微賤頗似淳古初戒之勿易
言相顧但嗟吁老妻主中饋日暮更烹魚家貧
無燈燭枯麻照座隅陸本無老妻以下四句且盡一日樂
焉能念其餘

茅宇

丘中有茅宇賤子所自治東西貯筐釜中堂誦
書詩鷄豚各有家蒲荷亦有池農器更相貸種
樹及時為朝出在田中日暮還此歸隣里相往

來春醪亦共揮老夫年既邁筋力固當衰厚祿
非所慕好爵不願縻但願衡門下長無寒與饑

置酒

田間好風日

陸本作今日非昨日

置酒衡門前林花發光

彩飛鳥亦翩翩弱女時往來小兒誦詩篇細君
亦不惡中饋能周旋春蓀前後至魚鱉味亦鮮
自我來此居倏爾已三年終歲不能安憂患相
纏牽乃今得此樂豈復為偶然壺盡汝當沽醉
來我自眠

詠池上芭蕉

亭亭虛心植冉冉繁陰布既掩猗蘭砌還覆莓
苔路卷舒今自知衰榮隨所寓默契方在茲臨
軒挹清醕

早出田所

愧無經濟術徒有茂異名行游三十年不見有
所成歸來得荒地僂俛始學耕方春多雲氣甘
雨亦時行大澤含澄瀾溝澮皆滿盈清晨出門
去路與煙霧并庶幾望秋實敢懷動苦情日午

有濁醪揮汗且復傾

耕田

窳薄非令器容受固不宜六籍雖云誦於道竟
何知晚途棄末學農圃以為師方春治篔簹
作臺南畝秉鉉基出入田水間霑濕豈暇辭但
願秋穀成童稚有粥糜沮溺自辭世小人安敢
期

送林仲鏞崑山學職有序

仲鏞博學有才行惜乎死於山東之亂

往教崑山崑山人至今稱林夫子云

詩為

送林作此序語意
林死後追書之者

詰旦零雨歇幽澤多蘅杜美人治舟楫言往崑
山下崑山萬家邑於焉有庠序談經子所安操
袂吾所慮會面不可知江水渺難度日暮獨凝
思藹藹煙中樹

題望雲卷

遊子行遠道孤雲天際飛吾親舍其下道遠不
可歸道遠將柰何孤雲正飛揚飛揚無時已泪

下沾衣裳衣是親手縫線長縫亦密見衣未見
親萬里空相憶相憶復相憶山川中間之兒髮
今已白親顏當就衰雲亦日夜生親亦日夜安
行當見親面無用涕闌干

古意二十首

八絃何茫茫千里復萬里六馬方驕悍蹇蹕終
未已東臨碣石岸西涉流沙水炎洲氣輝赫幽
谷水迤瀾白日墮崦嵫蒼惶將何止王良本賤
工善御徒云爾馬能繫其足伏櫪噉芻豉

翩翩為學士冠帶自成群朝去暮來歸終歲常
辛勤盈盈發春葩燁燁競芳辰飄風倏然來零
落成埃塵黃鵠游四海日暮集崑崙願言息爾
駕還居守蓬門

團團明月珠墮此濁水中光彩雖未泯淪沒豈
有窮拔山固神力舉鼎亦無雙徒有千尋綆挽
之竟何從顏生不遠復斯為蓋世雄

楚人好魚目越人薦明珠一日三至門主人行
徐徐相見纔一言薄送下前除洛陽蘇季子黃

金滿後車鄒軻誦堯舜白首走道途

蓐食出門去慘慘踐嚴霜問子將何之千里赴
洛陽洛陽有劇孟任俠世稱強我願從之游氣
勢相頡頏路逢二三子被服儒衣裳少長各有
禮講誦麋鹿場中心忽愛慕與彼遂相忘

中夜治舟楫越海遠遊遨遊遨將何為萬寶聚
巖坳珊瑚七尺餘珠樹羅蓬蒿持之向中國可
以金張豪出門忽不樂欲進心恒慙但恐蛟龍
怒骨肉淪波濤人生亦有命賢聖莫能逃遺穗

倘可拾言歸卧林臯

秦師困邯鄲趙氏旦夕危魯連山中來排難在

重圍

難陸本
作患

折衝不復言辭金忽焉歸清風映

東海千載以為奇我思鄒孟氏處世一何宜被

髮雖可救閉戶終可為斯言足明訓賢獨未之

思

茫茫古人中我愛原子思食粟豈云飽衣裘豈

應時憔悴衡門下彈琴唱逸詩大夫適何來駟

馬行駢駢入門即長嘆念子病何危貧病固不

同發言忽若斯誰為同門生白首不見知

莊周善著書汪洋不可禁時時詆仲尼而况賜

與參南金鑄芻狗隋珠彈微禽自昔多橫議言

高罪彌深

李斯游洛陽名遂身亦危一人具五刑於古豈

有之呼兒語黃犬相顧涕交頤斯時夏黃公商

山方採芝

段生方踰垣泄柳方閉門二子豈獨善蓋亦避

世喧種粟在南野種葵在東園日夕飯一盤萬

鍾何加焉周孔有遺書學士有遺言吟詠荒園
裏聊以終歲年

朝坐高堂上白飯鯉魚羹暮歸高堂上華燭送
清觥况有四海人相愛如弟兄彈琴析疑義歡
樂各言情言陸本
作有以茲度一世聊重不為輕不
學狂圖子空山望長生

登高望八荒未見不死人徒看後來塚纍纍傷
我神伯僑與安期於今亦不存如何學仙侶服
食正紛紜獨美顏氏子陋巷以為仁

陶潛不願仕既仕亦為貧遙遙去鄉曲當時已
酸辛衣冠對俗吏自卯直至申終日惟一飡濁
醪豈露唇歸來荒園裏此志乃復伸清風坐北
窓鷄黍會四隣茫茫宇宙中我思見其人

白日生東海倏忽墮崦嵫皓月方滿盈斯須亦
已虧淮陰有奇功赫赫在一時焉知束縛去還
為兒女欺天道每如此人事安足悲獨羨鴟夷
子輕舟去江湄

迢迢青雲上自昔為亨衢亨衢豈無極下視乃

泥塗商君變法時寧知裂其軀貴賤更迭來榮
辱在須臾願為雙白鷗游戲江與湖

關中論功策

策陸本
作業

相國稱發蹤一朝請苑地

廷尉忽相逢免冠且徒跣局促如兒童陸生雖
豎儒進退頗從容

文皇好直言容受無留停鄭公在當時頗得諫
諍名一稱田舍翁千載傷我情嬰鱗固為難回
天亦非輕先人有薄田歸與長沮耕

幽谷有貧士白髮被兩肩人事既乖互年運亦

迤邐敝屣久不縫短褐夙已穿讀書雖聞道好

酒况無錢常遭富人笑豈有貴人憐我聞齊景

公千駟亦徒然夷齊餓西山後世稱聖賢

十五志為學四海訪鉅儒低回梁宋郊浩蕩齊

魯區庶從父老問得親交游徒惜哉戎馬起中

道乃赳赳歸來卧荒園白首成下愚

與倪元鎮飲得江上雨

霖霖飄無際凭欄千里陰芳田霑泥泥清波望
沉沉楚客帆已重吳官樹轉深歸鴻無肅羽別

海東集 卷之二
渚有哀吟君知此時意寧識故園心

賦得綠珠

於越山水秀自古有名娃綠珠雖後來聲名天下誇明珠動萬斛輕綃亦論車衆人不能得獨向石崇家名園臨紫陌高樓隱丹霞文犀飾窓檻白玉綴簷牙為樂未及終前禍忽來加厚意何可忘微命何足多委身泥沙際終令後世嗟夏女曾滅國周褒亦亂華古人已如此今人將柰何猶勝中郎女清淚濕悲茄

出西郊

谷陽門西路滌汨澍清川舟艦相縈帶蒲荇亦芊綿依依望江渚漠漠盼湖田湖田今有秋老稚飯紅蓮此實父母邦亂離乃棄捐垂老幸一歸不識陌與阡卜築自茲始逍遙終百年

復出西郊

步出城西門春岸多流水嚙嚙沙鴈去荻花江雲起居民亦何事南畝將耘籽提携汀沙際吳語煙霧裡自予離兵燹廿載勞轉徙歸來展遊

眈泫然懷我里餘年幸有待在管終可理

賦得泰伯廟送倪元鎮

翦商肇基迹傳季思逮聖兄弟逃荆蠻讓德一
何盛千家聿來從勾吳始開境遙遙至闔閭國
大心逾騁深宮貯妖麗高臺瞰遐迥既拒伍胥
忠復甘太宰佞鄰邦樹讎怨上國肆爭兢社稷
終變遷軒窗獨完整相傳在閭里灑掃致嚴淨
歲時具牲醴歌舞頻送迎楚魂久無食越魄將
誰縈強暴有湮晦聖哲無終竟於焉送將歸舟

榜得依並是時春氣和氤氳滿芳逕渚花動幽
彩汀蒲發深艷江水去不息烟霧日將暝歛衣
拜堦下懷哉起孤詠

遊西墅

吳王逐獸地士衡聞鶴亭古人不可見荒原今
獨行遺堵儼若存阡陌復縱橫依稀望極浦迢
迢盼春城江樹旣曠靄源花復晶榮長烟覆漁
屋白水亂鳧汀山川豈云異人事有消停即此
傷往時聊復樂其生寄言後來士此理可自明

懷廣西省朱郎中熙

洞庭秋色晏蒼梧雲氣深夫君萬里去山水迥
沉沉竟日凌浩渺連天眺欽峯龜鼉遊近渚猿
狖戲遙林荏苒杜若香蕭條楓樹陰 皇朝重
茲土遠氓方致琛而我將何念歲暮獨離心離
心亦何極日夕遲徽音衡陽鴈不到搔首更沉
吟

新除監察御史辭貫涇別業

側席念賢俊旁求逮允鄙謬當南宮薦重此栢

臺委命嚴孰敢後中夜去田里鄰友贈予邁切
切語未已妻孥獨無言揮泪但相視于時十月
交悲風日夜起輕舟泝極浦瑟瑟嚮枯葦驚鳧
亂沙曲孤獸嗥荒市回首望舊廬烟霧空迤邐
撫膺獨長歎胡為乃至此顧予久縱誕遠迹隨
鹿豕及茲年已邁精氣固銷毀趣事諒為難速
戾將在是 皇恩倘嘉惠還歸釣江水

察院夜坐

吏散車馬寧月色東城上歛衣高堂坐重門靜

海東集 卷之二
無響文奏屏在篋朱墨委虛幌簷影動參差霜
氣紛蕩濼耳目幸無役心思多遐想園廬日應
救蘿蔦春還長况茲綱紀地王事方鞅掌安得
春江棹東原歸偃仰

下直懷北山隱者

載筆侍雲陛向夕始餘閒撫彼清冷觴慰此憂
戚顏出軒月纔皓臨街露已繁廣庭行且止修
檻去復攀幽樹藹深翠餘花散微殷俛仰不知
夕星漢忽西還歸來空房卧嚴城漏欲殘鴉鷄

九井動

鴉鷄陸本
作鴉鳴

劔珮亦珊珊將隨夔龍後祇

肅謁重關緬懷息心侶遺世在雲山焉能從之
去迢遙叢桂間

答禮部江主事漸

谷鳥嚶其鳴求友聲亦屢况生烝民間豈不念
朋助齊魯久咨訪梁宋亦馳騫末路值伊人懽
然樂平素文義旣馴雅操存復貞固輔仁將在
斯有挾非所慮欣然得嘉會終嘆少暇豫爾贊
宗伯禮予牽中臺務俱限清切地日夕徒思慕

茲辰委篇什衷情極披露綢繆卜隣意委曲耕
稼訴靖節休官辭安仁歸田賦歸田賦張衡二
作偶誤用耳

子不可見千載同軌度嗟予甚蹇劣豈復希高
步聊伸菲薄意用答賢俊顧東歸果能遂林廬

永依附粉榆輝映帶鷄犬互來去開圖共賞新

開圖陸本散帙時温故茲意幸勉旃歲久恐遲

暮

京師歸別業

郊園草已遍雜卉駐餘春游絲牽木杪孤鶯鳴

水濱羈人懷舊居日夕自傷神遙遙千里塗豈
復念苦辛欣然入塲圃兒女各來親當軒釋負
擔拂去衣裳塵老夫行役久歸來志復伸陶潛
愛清風張生思故尊援筆為此詩示我隣里人
新得溪上茅屋

食肉賤糠覈饑人安敢辭狐貉輕短褐寒士固
為竒自予遭世故舉室盡流離東臨滄海岸北
度三江湄蛟螭時作橫鯨鼉屢見欺展轉及棄
暮始見此門楣徒壁類司馬上漏似原思既無

海東集 卷之二 十一
陳平席豈有董生帷覆簣或成墻編葦聊當籬
迢迢白沙岡當戶勢逶迤遙遙秋浦波臨軒散
漣漪翻蜚野鳥群參差灌木枝賦此平生意庶
為百世規湫隘誠可哂欣幸方在茲

鄒園十詠

釣磯

白石自團團春流亦漾漾閒漚雨邊至輕絲風
外颺既寡羨魚情還聞濯纓唱嗟彼磻上翁投
竿復何向

柳堤

柔條被晴莎密陰覆芳杜委蛇起沙際寂寞連
水滸鷗眠雨未歇鶯叫烟初曙還將竹竿去從
爾釣春渚

碁墅

轟轟林影靜白石况如砥幽幽青苔色離離見
屐齒豈無橘中叟還逢爛柯士日入始言歸相
送清川涘

瀑布

青厓寫流淙蜿蜒在窻戶臨風噴輕雪穿林散
飛雨高源出無盡餘澗霑還溥羨彼軒中人似
坐匡廬下

桃谿

繁花亦何言人至迹愈顯因石自高下緣源屢
回轉鶯啼陰又匝雨霽苔猶淺漁父欲問津烟
中聞鷄犬

魚淵

幽壑湛虛靜衆鯨遠來歸游泳方自得沉潛亦

其宜既無網罟憂芥菜復參差辟彼翔集鳥悠
然竟何疑

濯清

潭水川上來泓澄復淵淪涵虛既晶晶度遠方
粼粼番番中林叟長纓又埃塵臨風且浩歌似
念滄浪人

蓼灘

衍迤近橫塘陂陀間幽渚輕穗含夕霏叢條偃
秋雨從橫覆魚隊閒寂來鷗侶杖策時一臨逍

遙更延佇

松壑

矯矯千歲姿生此衆石間微颺度巖阿殷殷起
波瀾幽人一壺酒日夕自怡顏安得川上舟與
子相往還

杏塢

窈窕石徑深參差繁英滿發采已云竒生香殊
未斷依依午橋路粲粲朱陳阪月色散疎景時
時坐橫管

題陶九成南村草堂

多士方見材斯人乃梧楨秉心自超越當時識
趨舍迢迢溪南村流水亦清寫草木發深澗里
俗况淳雅於馬事結構面勢臨曠野分明治畦
町日夕供灌灑秋菰已堪煮春稔行可謝子真
又在谷幼安去諸夏囂雜既云遠憂患茲為寡
願謝鸞鵠侶從君鷄豚社

題葛洪移家圖 有序

按晉書葛洪字稚川當東晉元帝時王導舉

海東集 卷之二 七三
為散騎常侍時江左車弱亂臣叛將迄無寧
一時諸賢如周載劉鍾俱斃於桀逆之手洪
於是求為勾漏令覓丹砂為神仙事神仙虛
無君子之所不道以予觀之其與留侯從赤
松子意同世俗不知遂以為真有此事甚可
笑也吾友顧德文蓄洪移家圖一卷觀其妻
子奴僕牛畜家且累累相從皆人道之常求
仙者固如是乎此蓋院人筆當時亦知神仙
為不足信畧無一毫詭怪荒誕之意予甚愛

之因為賦詩一章以祛千載之惑而申洪之
志云

當時司馬秉愚駮回不慧牝鷄肆淫虐骨肉互
吞噬淵聰乘時起諸夏受其敝瑯琊遂東耒車
弱何由濟賴此晉夷吾草草正神器國步未盡
康禍亂亦遄至王敦反上游蘇峻復凶悖淵顛
已云亡超雅從茲斃葛生當是時幡然思遠逝
駕言覓丹砂神仙或可致青牛載妻子羿冊付
奴婢遙遙向南海蓋欲避斯世羸秦亂黔首留

侯佐高帝婉婉幕中畫取勝千里外韓彭既誅
醢相國下廷尉辟穀謝人間赤松乃吾契明哲
終保身疇能測其意生也雖後來心迹頗相類
茫茫宇宙中清風飄無際斯人不可見撫卷增
歎喟

題張國祥三味軒

張名麒
號靜鑑

惟昔司馬氏奕葉逐紛披兄弟自魚肉宇內生
瘡痍當時四海士委質去相隨既往不知返焉
能顧危機至今鳴鶴嘆悽其有餘悲矯矯張季

鷹明識終見微秋風西北來悠然起遐思微物
殊可念榮爵竟何為長興命吾駕千里乃東歸
斯人已云遠沉冥復誰知夫君實其裔遠跡江
水湄嘉名極仰止巍巍陰華棖庶幾戶牖間日
夕得自師明哲終保身發軔方在茲屬辭雖云
厲可配吉甫詩

七言古詩

賦朱煥章所畜鵜鵠鳥

東家有鳥名鵜鵠意度自與凡羽殊冥飛時時

海東集 卷之二
近丹穴夜宿往往歸蒼梧當時六翮頗無禁何
乃困頓來庭除玄雲飄蕭羽衣碎俯仰飲啄隨
人意空簷燕雀亦何心喧噪追逐無寧地孤雌
孤雌復何所落日烟波隔吳楚俛思當日佺儷
初豈料如今各羈旅衆雛衆雛尤痛惜父既不
歸無可食縱有弱母念汝深浪高風急身無力
我言鵜鷓君莫嗔忝耻含悲度此身不見四海
干戈際多少思家失路人

王叔明畫雲山圖歌

有客來自高句麗遺我一幅丈二紙纖白只如
松頂雪光明不減吳江水藏之篋笥今七年妻
孥愛護如紈綺至正乙巳三月初王郎遠來訪
老夫陞堂飲茶禮未畢索紙為畫雲山圖初為
亂石勢已大橐馳連拳馬牛卧忽焉披地高入
天欲墮不墮令人怕其陽倒掛扶桑日其陰積
雪深千尺日射陰崖雪欲消百谷春濤怒相激
林下丈人心自閒被服乃是商周間問之不言
喚不返源花漠漠愁人顏老夫見之空嘆息

陸本

无老夫見之四字
作愁人頽空嘆息
何由致我共絕壁王郎王郎
不愛惜不陸木我買私酒潤君筆

觀朱澤民所畫山水圖有感

朱公畫圖愛者衆聲價端如古人重王公鉅卿
數見尋往往閉門稱腕痛我時挾冊遊郡城朱
公愛我詩律精時時沽酒留我宿共聽西窓風
雨聲清晨起來忘洗盥短衣飄蕭臨几案太行
中條眼底生巖岫冥冥氣凌亂禹鑿龍門疏洛
水根入黃河元不斷南及衡陽抵桂林東入會

稽連海岸是中置我一畝宮正如浮萍在江漢
溪流蜿蜿石齒齒夾岸槐花迷遠邇頭烟霧
散鷄犬屋裡詩書雜童稚扁舟遠來知是誰豈
是昔日鴟夷皮五湖蝦菜殊可樂千古功名何
足奇只今四十有三載公竟不歸畫圖在世間
好手豈易得終日紛紛勞五采感時念舊心獨
苦况我頭顱白如許呼兒捲却不忍看白髮高
堂淚如雨

徐子修畫山水歌

夏家高堂生書寒徐卿畫圖墨未乾深山大澤
貯烟霧黑處似有龍蛇蟠襄陽小米師董源妙
處不受繩墨牽頃刻萬里凌風煙房山尚書世
稱賢化為白雲滿晴巔李家將軍極清妍畏避
退縮不敢前至今海內人爭傳卿惟得此二家
意損益往往無疑滯心思元居造化先筆力正
在蒼茫隆前年為吾寫林麓百道飛泉出幽谷
老夫醉來不敢眠深慮波濤捲茅屋荒堤曲阪
路如線遠入深林隱隱見水上人家不閉門門

外幽花滿芳甸徐卿徐卿我所慕
口載相看髮垂素安得吳淞千尺綾更畫城東
種瓜處

陶與權宅觀張子正畫圖

陶翁畫圖眼見稀自言愛之如珠璣清晨掛向
草堂上已覺几案生烟霏蒼梧雲深衆鬼泣笠
澤雨重群龍歸崖深谷黝望不極獨有黃鵠摩
空飛飛來潭上啄丹實牽動百尺藤蘿衣藤蘿
飄蕭露石角林西更有幽人扉幽人長年不出
戶薇蕨短小身常饑嗟嗟此是誰氏筆張君吾

友精天機君家祖父盡卿相門戶貴顯中衰微
讀書學古有至行粉墨特用相娛嬉憶昔東城
飲春酒君家林木含春暉當時揮灑每見及破
屋往往增光輝自從喪亂盡失去至今夢寐猶
依依偶來此處見此本欲去不忍徒戲教行當
買船秋浦上請君同作釣魚磯

王若水為畫秋江衆禽圖

錢塘王宰心思長欲與造化爭毫芒下筆百鳥
相趨蹌前身豈是孤鳳凰江頭芙蓉花正開花

下細浪亦縈回駕鵝貼貼天際來雌雄相隨氣
和諧一雙鴛鴦睡沙尾野鳧翩翩唼菰米群鷗
爭浴故未已傾落枯荷葉中水鶴鵠飛飛多急
難睭鳩意度誠幽閒乃知良工有深意不在丹
青形似間姑蘇臺前秋氣孤五茸城下烟疎疎
此時此景真相似獨少扁舟歸釣魚宰也只今
成老夫愛我不辭為此圖我今親老無可養慎
勿重添返哺鳥

送曹生從師

海叟集 卷之二
九
白沙入泥沙自黑蓬生麻中豈不直生子當置
齊魯間禮義薰陶易成德三江雪華沒馬牛曹
生叩門言遠遊天地苦寒子何往負笈從師清
泖頭曾君為儒世所知規矩進退無差池座中
弟子十餘輩森森玉立多容儀子往拜之聽教
誨師嚴友親各從類一簣為山古所聞百川與
海終相會他時還鄉拜庭闈百年門巷生光輝
里中父老皆稱嘆勝似蘇家相國歸

送齊文韶歸東阿

江上春雲晴復濕落絮飛花滿原隰此時君扣
主人門七尺長身如鵠立自言稷下舊書生奉
命江南宰山邑三年仕宦多變故八口飄零少
收拾只今零落江海邊終日遑遑但憂悒主人
聞之不暇沐握髮出戶遽延入淨掃南軒催下
榻更開西第同宴集時余挾冊依主人升堂再
拜還相揖一時愛厚忘爾汝况肯瑣屑論階級
軌向春園恣遊衍暮歸雪案同溫習爾來倏忽
將五載歲月荏苒如呼吸君居北海我南海馬

牛之風豈相及偶然相值若弟兄信是前生有
因襲今晨忽言歸故鄉主人錯愕余驚惶干戈
未息多盜賊霜露既降無衣裳君言狐死尚丘
首况我先壠安能忘聞君此語良可傷欲留不
留空斷腸殷勤勸爾一杯酒明日思君江水長

病阿速

阿速蒙古別號也

杭州阿速病可傷况復四體多金創口粮開除
但乞丐終日哀鳴行路傍自言家在雲中任兄
弟既死唯爹娘往年江南妖賊反聖旨差我隨

平章同行二千五百輩輩輩選用皆精強孰知

江南風土異不比中原盡平地中原地平好馳
逐一人騰驤萬八廢江南地卑山林密泥深馬
滑無由立角弓着雨軟如綿只尺相看不能射
九月十月歲將莫賊兵突入觀音渡平章脫身
向東走大半盡死無人顧我幸不死病已危丞
相被逐無依歸異鄉此日誰相慰只似天邊孤

鴈飛

時丞相答識帖木兒為張士誠所逐

大醉後率爾三首

海叟集 卷之二
白頭儒生何所作獨抱塵編海邊坐上書格君
事已晚殺賊掾民力猶懦四十無聞五十來不
如牛馬空長大

身是江南儒家子十五學經二十史低回欲得
賢聖心浩蕩更覓儒先旨當時自謂才可重豈
料中年人不用白頭縱得溪上田手脚生疎不
能種

腐儒學經經不明腐儒欲耕地無耕讀書耕田
兩無成不如相隨劇孟輩博錢喫酒滌陽城

夜歸

黑風漫天天雨汁海水蕩瀟如山立沙頭舊屋
四角崩草茅無人不收拾此時歸來夜將半短
衣無綿滿身濕西隣燈火喚不應飯冷欲食何
由食

夜經胥浦鄉時新被寇

丙申冬

枯蒿茫茫雪初集青泥小岸硬復濕草鞋斷盡
餘兩耳十步九倒何由立空村無人不敢入野
狗齧齧累百十溝中死人血未乾終夜冤魂自

相泣

老夫五首

老夫避兵東海頭海風吹衣夜颼颼黃蒿斷岸
少人迹饑鳥無食聲啾啾狐狸向人呼姓名兩
脚直立當前行自信從來膽力壯此時對此魂
欲喪

老夫避兵荒山側三日無食在荆棘鞋襪破盡
皮肉碎血被兩踵行不得于時瘦妻實卧病十
聲呼之一聲應夜深困絕倚枯樹逐魂啼來雨

如注

老夫避兵三江口江中夜夜蛟龍吼春然一聲
腦欲裂千尺長隄忽如走須臾海門風雨來江
水震蕩如奔雷同行百舡半沉溺無力救之空
歎息

老夫避兵黃浦上八月秋濤勢逾壯蛟龍變化
不自謀鯨鯢偃蹇還漂蕩船中小兒懼且泣婦
女嘔吐無人色我獨兀坐面向天篙師疾呼更
索錢

海叟集卷之二
十一
老夫避兵三泖邊泖水濶絕無人煙惡風三日
天正黑濕雲臭霧相盤旋草頭飛虫齧人肉更
有青蛇口尤毒小兒無知恣奔走我欲近前提

其手

近陸本
作向

海叟集卷之二終